

মাসুদ আমাদের গর্ব

কর্ণফুলী রিপোর্ট

প্রতিবছরের মত এবারো বেশ আড়ম্বরে ২৬শে জানুয়ারী অস্ট্রেলিয়া ডে উদযাপিত হয়। উক্ত দিবসটিতে বিভিন্ন আচার অনুষ্ঠানের পাশাপাশি অনেক সুনামগরিককে তাদের চারিত্রিক গুণাবলী ও সামাজিক অবদানের জন্যে ‘সিটিজেন অব দ্যা ইয়ার’ পদে ভূষিত করা হয়েছিল। ক্যাম্বেলটাউন নিবাসী জনাব মাসুদ চৌধুরী [জে.পি] তেমনি একজন সুনামগরিক যিনি চলতি বছরে ‘সিটিজেন অব দ্যা ইয়ার’ হিসেবে মনোনিত হয়েছিলেন। ক্যাম্বেলটাউন কাউন্সিল গত ২৬ জানুয়ারী স্থানীয় কোশিগায়া পার্কে বিপুল জনসমাবেশে উক্ত অনুষ্ঠানটি উদযাপন করেছিলেন। প্রবাসী বাংলাদেশীদের মধ্যে মাসুদ চৌধুরীই প্রথম ব্যক্তি যিনি এরকম একটি প্রশংসিত উপাধীর জন্যে এবছর মনোনিত হয়েছিলেন। কাউন্সিলের মেয়র শ্রী এ্যারোন রুল ‘সিটিজেন অব দ্যা ইয়ার’ এর জন্য নির্বাচিত ব্যক্তি ও মনোনীতদের মাঝে সনদপত্র বিতরণ করেন। মাসুদ চৌধুরীর এই অর্জনকে সাধুবাদ জানাতে বাংলাদেশী কমিউনিটির অনেক গন্যমান্য ব্যক্তিত্ব সেদিন ভোরবেলায় উৎসব ময়দানে স্বতস্ফুর্তভাবে হাজির হয়েছিলেন। মাসুদের মত একজন বাংলাদেশী কৃতিসন্তানের উজ্জল মুখ সেদিনের সোনারা প্রভাতের সোনালী রদ্দুরকেও যেন স্নান করে দিয়েছিল। উপস্থিত সকলে মাসুদের এই সম্মানকে নিজের মনে করে তাকে আনন্দে বুকে টেনে নিয়েছিলেন। চলতি বছরের জন্যে মনোনীত হলেও আগামীতে মাসুদ ‘সিটিজেন অব দ্যা ইয়ার’ হিসেবে নির্বাচিত হয়ে প্রবাসী বাংলাদেশীদের মুখোজ্জল করবেন বলে উপস্থিত শুভাকাঙ্খীরা সকলে তাকে আশীর্বাদ করেছিলেন। প্রবাসী বাংলাদেশীদের জন্যে মাসুদ একজন দৃষ্টান্তমূলক ব্যক্তিত্ব এবং অস্ট্রেলিয়ান কমিউনিটিতে সুদীর্ঘ বছরের অবদান ও নিবেদন অন্যান্যদের জন্যে পাথের হয়ে থাকবে বলে সকলে মনে করেন।



মনোনয়নের সনদপত্র হাতে অনুষ্ঠানস্থলে গর্বিত মাসুদ চৌধুরী